



# Aidilfitri

## Biokeselamatan

Februari 2024



### Maklumat penting tentang biokeselamatan

Makanan, bahan tumbuhan dan produk haiwan dari luar negeri boleh membawa masuk ke Australia antara haiwan perosak dan penyakit yang paling merosakkan di dunia. Hal ini boleh membinasakan persekitaran kita yang unik serta industri pertanian dan pelancongan kita yang berharga.

Jika anda akan tiba dari luar negeri atau jika anda akan menyambut kedatangan pelawat dari luar negeri, pentinglah anda, keluarga anda dan pelawat anda tahu undang-undang biokeselamatan Australia yang tegas.

Jika anda dijangka akan menerima hadiah Aidilfitri secara pos dalam bulan Ramadan, minta keluarga dan kawan-kawan anda di luar negeri tentukan bahawa produk tersebut dibenarkan memasuki Australia sebelum mengaposnya. Label pengisytiharan pos pada barang pos mesti menyenaraikan semua kandungan dengan tepat supaya barang itu boleh dinilai di sempadan.

### Cara kami menghalang kemasukan barang yang merisikokan biokeselamatan ke Australia

Bagasi dan barang pos antarabangsa dinilai untuk mengenal pasti barang-barang yang boleh membawa masuk haiwan perosak dan penyakit. Antara langkahnya ialah pegawai biokeselamatan menyoal perantau atau menyaring barang dengan menggunakan sinar X, anjing pengesan dan/atau pemeriksaan fizikal.

### Produk yang merisikokan biokeselamatan

Antara hadiah Aidilfitri yang boleh merisikokan biokeselamatan ialah:

- buah-buahan segar dan kering, termasuklah kurma, buah tin dan delima
- hasil tenusu, termasuklah kuih dan makanan pencuci mulut yang dibuat sendiri di rumah dengan bahan-bahan tenusu
- biskut, kek dan roti yang perlu disimpan sejuk atau yang mengandungi produk daging
- kekeras
- teh dan herba
- bijian dan kekacang, termasuklah beras, gandum, lentil, kacang kuda dan kacang.
- air zamzam
- mambu
- daging segar, kering atau yang sudah dimasak
- tembakau mentah



## Bantu lindungi Australia daripada haiwan perosak dan penyakit

- Belilah hadiah Aidilfitri di Australia.
- Sebelum membawa masuk atau mengepos sesuatu produk ke Australia, pastikan barang itu dibenarkan memasuki Australia dengan cara melayari [agriculture.gov.au/mailing-bringing-goods](http://agriculture.gov.au/mailing-bringing-goods).
- Minta keluarga dan kawan-kawan anda di luar negeri tentukan sama ada hadiah yang hendak dibawa atau diposkan itu dibenarkan memasuki Australia.

## Pergi ke Australia

Apabila anda pergi ke Australia, anda mesti:

- mengisyiharkan dengan jujur pada Kad Penumpang Masuk jika anda membawa makanan, bahan tumbuhan atau produk haiwan. Memberikan maklumat yang tidak benar atau yang mengelirukan ialah kesalahan yang berat. Kegagalan mengisyiharkan barang boleh mengakibatkan hukuman yang berat.
- menandakan "Ya" bagi apa-apa makanan, bahan tumbuhan atau produk haiwan yang mungkin anda bawa.

Jika anda kurang pasti, tandakan "Ya" pada Kad Penumpang Masuk anda untuk bercakap dengan pegawai biokeselamatan.

Anda harus menempatkan apa-apa produk, termasuklah hadiah, yang perlu diisyiharkan di bahagian teratas bagasi supaya mudah diperiksa oleh pegawai biokeselamatan.

Barang yang diisyiharkan mungkin perlu dirawat atau dieksport (atas belanja anda) atau dimusnahkan. Barang yang tidak merisikkan biokeselamatan akan dipulangkan kepada anda.

Jika anda memberikan maklumat yang tidak benar atau yang mengelirukan kepada pegawai biokeselamatan ataupun pada Kad Penumpang Masuk anda, atau jika anda tidak menjawab soalan-soalan mengenai barang yang berkenaan atau mematuhi arahan yang diberikan oleh pegawai biokeselamatan, anda mungkin:

- diberi notis pelanggaran
- tertakluk kepada prosiding hukuman sivil, dan/atau
- didakwa melakukan kesalahan jenayah.

Visa anda juga mungkin dibatalkan dan jika demikian, anda tidak akan dibenarkan memasuki Australia dan anda mungkin tidak boleh datang balik ke Australia setakat tiga tahun.

Anda tidak akan dihukum di bawah *Akta Biokeselamatan 2015* jika anda mengisyiharkan dan mengemukakan semua barang, walaupun barang itu tidak dibenarkan memasuki Australia.



Telefon 1800 900 090 atau  
+61 3 8318 6700 (dari luar Australia)



Untuk mendapatkan maklumat selanjutnya:  
[agriculture.gov.au/travelling-mailing](http://agriculture.gov.au/travelling-mailing)

Facebook: Australian Biosecurity  
Instagram: @australianbiosecurity